



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: **UP-1/21-1-40-309-18/25**

Datum: **11.02.2026. godine**

„Agencija za vodno područje rijeke Save“ Sarajevo rješavajući po zahtjevu Investitora „T.S.E.-Transporti speciali Europei“ d.o.o. Kladanj, za donošenje rješenja o prethodnoj vodnoj saglasnosti u svrhu izrade dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na proširenom eksploatacionom polju na lokalitetu "Stupari", Općina Kladanj, na osnovu člana 139. stav (1) tačka 3. i 10. Zakona o vodama („Službene novine Federacije BiH“, br. 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), **donosi**

RJEŠENJE

Odbija se zahtjev „T.S.E.-Transporti speciali Europei“ d.o.o. Kladanj, za izdavanje prethodne vodne saglasnosti u svrhu izrade dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na proširenom eksploatacionom polju na lokalitetu "Stupari", na dijelu zemljišta označenog kao k.č. br. 746 i k.č. br. 747 K.O. Matijevići i k.č. br. 418 K.O. Crijevčići, općina Kladanj, **kao neosnovan.**

Obrazloženje

Investitor, „T.S.E.-Transporti speciali Europei“ d.o.o. Kladanj, je podnio zahtjev za donošenje rješenja o prethodnoj vodnoj saglasnosti za izradu dijela projektne dokumentacije koja se odnosi na prikupljanje, tretman i ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na proširenom eksploatacionom polju „Stupari“ Općina Kladanj.

Uz zahtjev je dostavljena sljedeća dokumentacija:

A - Opća dokumentacija:

- Rješenje o izmjenama podataka, broj:032-0-Reg-21-002127 od 07.01.2022. godine izdato od strane Općinskog suda u Tuzli – ovjerena kopija,
- Uvjerenje o poreznoj registraciji od 16.05.2008. godine izdato od strane Kantonalnog poreznog ureda u Tuzli – ovjerena kopija,
- Izvod iz Prostornog plana Općine Kladanj za period od 2014. do 2034. godine, broj:05/7-19-7-1242/25 od 20.05.2025. godine izdat od strane Službe za geodetske, imovinsko-pravne poslove i prostorno uređenje općine Kladanj – ovjerena kopija,
- Zemljišnoknjižni izvadak Katastarska općina Matijevići, broj:033-1-NAR-25-000 841 Zemljišnoknjižni uložak broj 13 izdat od strane Općinskog suda u Živinicama Odj. Kladanj – ovjerena kopija,
- Zemljišnoknjižni izvadak Katastarska općina Matijevići, broj:033-1-NAR-25-000 842 Zemljišnoknjižni uložak broj 7 izdat od strane Općinskog suda u Živinicama Odj. Kladanj – ovjerena kopija,
- Zemljišnoknjižni izvadak Katastarska općina Crijevčići, broj:033-1-NAR-25-000 843 Zemljišnoknjižni uložak broj 4 izdat od strane Općinskog suda u Živinicama Odj. Kladanj – ovjerena kopija,
- Kopija katastarskog plana, Ur.broj:05/5-26-605/2025-6 od 30.06.2025. godine izdata od strane Službe za geodetske, imovinsko-pravne poslove i prostorno uređenje općine Kladanj – ovjerena kopija,
- Kopija katastarskog plana, Ur.broj:05/5-26-605/2025-7 od 30.06.2025. godine izdata od strane Službe za geodetske, imovinsko-pravne poslove i prostorno uređenje općine Kladanj – ovjerena kopija,
- Kopija katastarskog plana, Ur.broj:05/5-26-605/2025-8 od 30.06.2025. godine izdata od strane Službe za geodetske, imovinsko-pravne poslove i prostorno uređenje općine Kladanj – ovjerena kopija,
- Ugovor o koncesiji potpisan sa Ministarstvom privrede Tuzlanskog kantona, broj: 417/24 od 15.10.2024. godine – kopija,
- Uvjerenje, broj: 03/6-20-1561/25 od 02.07.2025. godine izdato od strane Službe za budžet, finansije i poduzetništvo općine Kladanj – kopija,
- Mišljenje, broj: 05/2-19-4-1109/25 od 21.05.2025. godine izdato od strane Službe za geodetske, imovinsko-pravne poslove i prostorno uređenje općine Kladanj – kopija,
- Odluka o zonama sanitarne zaštite i zaštitnim mjerama za izvorišta Tarevčica, Zatoča i Sedam vrela objavljena u Službenom glasniku Općine Kladanj broj: 5/22 od 15.08.2022. godine,

- Dokaz o uplaćenju federalnoj upravnoj pristojbi na zahtjev.

B - Tehnička dokumentacija:

- Studija za izdavanje prethodne vodne saglasnosti za potrebe eksploatacije kamena krečnjaka u proširenom eksploatacionom polju na lokalitetu Stupari, Općina Kladanj urađena od strane JPVD „Spreča“ d.d. Tuzla, decembar 2025. godine, broj: 051-01-1-2060/25.

Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl.novine FBiH“ broj:31/15, 55/19, 41/20, 63/22), bio oglašen dana 12., 13. i 14.09.2025. godine u dnevnom listu „Oslobođenje“ i na oglasnoj ploči Agencije. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

U provedenom postupku konstatovali smo sljedeće:

- U Uvjeranju, broj: 03/6-20-1561/25 od 02.07.2025. godine izdatom od strane Službe za budžet, finansije i poduzetništvo općine Kladanj konstatovano je na osnovu Zakona o vodama („Službene novine Tuzlanskog kantona“ br.11/08) član 33. stav 2. i „Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva“ („Službene novine Federacije BiH“, broj 88/12), da se parcela označena kao k.p. br. 418 (novi premjer) zv. Macaljice u naravi šuma 3 i 6 klase, upisana u k.k. uložak br. 4 u K.O. Crijevčići i parcele k.p. br. 746 i 747 zv. Kamenolom veliki krš, upisane u K.O. Matijevići u Općini Kladanj, na čijim dijelovima se planira proširenje eksploatacionog polja za površinsku eksploataciju mineralne sirovine, nalaze se većim dijelom u III zoni sanitarne zaštite izvorišta vodosnabdijevanja Općine Kladanj - izvorište „Sedam vrela“ i nalaze se u neposrednoj blizini drugih vodnih objekata.
- U Odluci o zonama sanitarne zaštite i zaštitnim mjerama za izvorišta Tarevčica, Zatoča i Sedam vrela koja je usvojena od strane Općinskog vijeća Kladanj i objavljena u Službenom glasniku Općine Kladanj broj: 5/22 od 15.08.2022. godine, jasno su navedene aktivnosti koje su zabranjene „Z“ u III zoni sanitarne zaštite izvorišta, po kojoj su zabranjene aktivnosti:
 - **Iskopi u vodonosnom sloju,**
 - **Izgradnja i rad kamenoloma i drugih pozajmišta materijala,**
 - **Minerski i drugi građevinski radovi koji nisu u funkciji vodosnabdijevanja, a koji mogu poremetiti kompoziciju vodonosnih slojeva,**
 - **Izvođenje istražnih radova za naftu, mineralne vode, zemni plin kao i druge materije koje mogu ugroziti kvalitet vode na izvorištu,**
 - **Nekontrolisana sječa i krčenje šume,** ne ograničavajući se samo na nabrojano (predmetnim Pravilnikom nabrojano je niz zabrana i ograničenja u zonama sanitarne zaštite izvorišta).
- Agencija se aktom broj: UP-1/21-3-40-309-14/25 od 23.12.2025. godine obratila JKP „Vodovod i kanalizacija“ d.o.o. Tuzla sa zahtjevom za očitovanje po činjenicama bitnim za vođenje upravnog postupka, vezano za zahtjev za izdavanje prethodne vodne saglasnosti za izradu dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na proširenom eksploatacionom polju, na dijelu zemljišta označenog kao k.č. br.746 i k.č. 747 K.O. Matijevići i k.č. br. 418 K.O. Crijevčići, lokalitet "Stupari", Općina Kladanj, obzirom da aktivnost za koju je podnesen zahtjev za izdavanje vodnog akta može imati uticaje na kvalitativno - kvantitativni režim izvorišta „Sedam vrela“ kojim operater upravlja. Ocijenjeno je da se u ispitnom postupku, radi utvrđivanja činjenica i okolnosti koje su značajne za vođenje postupka, operater uključuje u svojstvu stranke u postupku. Pravno lice JKP „Vodovod i kanalizacija“ d.o.o. Tuzla je u aktu broj: 465/26 od 02.02.2026. godine dao svoje očitovanje, na naš zahtjev, u kojem između ostalog stoji da se planirano proširenje eksploatacionog polja kamenoloma „Stupari“ nalazi na udaljenosti od cca 600 m uzvodno od izvorišta „Sedam vrela“ na dijelu zemljišta označenog kao k.č. broj 746 i k.č. broj 747 K.O. Matijevići i k.č. broj 481 K.O. Crijevčići, lokalitet Stupari, Općina Kladanj, i isti se nalazi unutar treće zone sanitarne zaštite izvorišta vode za javno vodosnabdijevanje. Tačnije, postojeće eksploataciono polje kamenoloma „Stupari“ je smješteno u III zoni sanitarne zaštite izvorišta, a ovo izvorište vode za javno vodosnabdijevanje „Sedam vrela“ jedno od najvažnijih izvorišta za vodosnabdijevanje Grada Tuzla.
- Agencija je pravnom licu JKP „Vodovod i kanalizacija“ d.o.o. Tuzla izdala rješenje o vodnoj dozvoli broj: UP-1/21-3-40-267-6/22 od 07.07.2022. godine za zahvatanje vode sa izvorišta „Stupari“, općina Kladanj iz 4 (četiri) vodozahvatna objekata, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice, pri čemu se sa izvorišta izvorišta „Sedam vrela“ zahvata količina vode u minimalnom kapacitetu od 80 l/s, odnosno maksimalnom kapacitetu od 120 l/s.

- Dostavljeni dokument: Studija za izdavanje prethodne vodne saglasnosti za potrebe eksploatacije kamena krečnjaka u proširenom eksploatacionom polju na lokalitetu Stupari, Općina Kladanj – IZMJENA - urađena od strane JPVD „Spreča“ d.d. Tuzla, decembar 2025. godine, broj: 051-01-1-2060/25 je obradila segment uticaja predmetnog objekta na okoliš (3.5.) u kojem su se pozvali na dokument - Uvjerenje broj: 03/6-20-1561/25 od 02.07.2025. godine izdato od strane Službe za budžet, finansije i poduzetništvo općine Kladanj u kojem su navedene činjenice i iste prikazane na situacionom pregledu predmetne lokacije površinske eksploatacije mineralnih sirovina po kojoj se nalazi u III zaštitnoj zoni izvorišta „Sedam vrela“. Studija je i obradila Odluku o zonama sanitarne zaštite i zaštitnim mjerama za izvorišta Tarevčica, Zatoča i Sedam vrela koja je usvojena od strane Općinskog vijeća Kladanj i objavljena u Službenom glasniku Općine Kladanj broj: 5/22 od 15.08.2022. godine i odredbe Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva, te su istaknute definisane aktivnosti koje se zabranjuju i aktivnosti koje su dozvoljene uz primjenu standardnih i dodatnih mjera zaštite.

Na osnovu prednjeg i provedenog postupka konstatovano je da sa aspekta sektora voda postoje ograničenja koja proizilaze iz odredbi Zakona o vodama da se podnosiocu zahtjeva izda tražena prethodna vodna saglasnost, zahtjev se smatra neosnovanim pa je riješeno kao u dispozitivu ovog Rješenja.

Na osnovu utvrđenih činjenica u skladu sa članom 139. stav 1. Zakona o vodama («Službene novine Federacije BiH», broj 70/06) i članom 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) s toga je riješeno kao u dispozitivu rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka

mr.sc. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Nihad Rezo, dipl.inž.građ.

Dostaviti:

- „T.S.E.-Transporti speciali Europei“ d.o.o., Stupari Centar bb, 75283 Stupari Kladanj,
- JKP "Vodovod i Kanalizacija", ul. 2. Oktobra 1., 75000 Tuzla,
- ⊖ AVP Sava, ISV - Vodna knjiga
- Sektor 40, arhiva
- AVP Sava - Oglasna ploča